

ხელშეკრულება #290

(სახელმწიფო შესყიდვების შესახებ)

თბილისი

“ 1 ” “ მაისი ” 2017 წ.

ერთის მხრივ, სსიპ ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრის (შემდგომში “შემსყიდველი”) გენერალური დირექტორის მოადგილე პაატა იმნაძე და მეორეს მხრივ, ა(ა)იპ „გორის მუნიციპალიტეტის მერიის საზოგადოებრივი ჯანდაცვის ცენტრი“ (შემდგომში “მიმწოდებელი”) დირექტორი მარინე გიუნაშვილი ვაფორმებთ წინამდებარე ხელშეკრულებას შემდეგზე:

1. ხელშეკრულების საფუძველი

- 1.1 „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის “ა” ქვეპუნქტი.
- 1.2 „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის დამტკიცების თაობაზე“ სახელმწიფო შესყიდვების სააგენტოს თავმჯდომარის 2015 წლის 17 აგვისტოს N13 ბრძანება.
- 1.3 დაფინანსების წყარო: აშშ დაავადებათა კონტროლისა და პრევენციის ცენტრების საგრანტო დოკუმენტის 6 NU2GGH001994-01-01-„საზოგადოებრივი გლობალური ჯანმრთელობის დაცვა და გაუმჯობესება, ზეგავლენა საზოგადოებრივი ჯანმრთელობის ჩამოყალიბებასა და გაძლიერებაზე“, ქვეკომპონენტი - „საქართველოში დიარეით მიმდინარე დაავადებების შემთხვევებისა და ეპიდაფეთქებების გამოვლენის, მათზე რეაგირებისა და პრევენციის გაძლიერება, ეპიდემიოლოგიური და ლაბორატორიული სამსახურების თანამშრომლობით“.

2. ხელშეკრულების საგანი

2.1 1 „საქართველოში დიარეით მიმდინარე დაავადებების შემთხვევებისა და ეპიდაფეთქებების გამოვლენის, მათზე რეაგირებისა და პრევენციის გაძლიერება, ეპიდემიოლოგიური და ლაბორატორიული სამსახურების თანამშრომლობით“ ქვეკომპონენტის ფარგლებში, დიარეით მიმდინარე ინფექციებზე ეპიდზედამხედველობის გაძლიერება ლაბორატორიული დიაგნოსტიკისა და ეპიდემიოლოგიური კვლევების გაუმჯობესების საშუალებით, დიარეულ დაავადებათა რუტინული ეპიდზედამხედველობის სრულყოფისა და შესაძლებლობების გაზრდის ხელშეწყობა, საკვებითა და სასმელი წყლით გამოწვეული ბაქტერიული ეტიოლოგიის დიარეით მიმდინარე დაავადებების შემთხვევებისა და ეპიდაფეთქებების დროული გამოვლენის, მათზე პრევენციის გაძლიერების, ადექვატური რეაგირებისა და მომსახურების შესყიდვა (CPV 85140000, SMP170001016).

3. ხელშეკრულების საერთო ღირებულება

- 3.1. ხელშეკრულების საერთო ღირებულებაა 2,500.00 (ორიათას ხუთასი) ლარი, დღგ-ს გარეშე, მ.შ. ერთი თვის ღირებულება შეადგენს 500 (ხუთასი) ლარს, დღგ-ს გარეშე.
- 3.2 ხელშეკრულებაში დაფიქსირებული ფასის შეცვლა დასაშვებია მხოლოდ შემდეგ შემთხვევებში, როდესაც:
 - ა) მხარეთა ურთიერთშეთანხმების შედეგად მოხდება ერთეულის ფასის შემცირება;
 - ბ) საქართველოს სამოქალაქო კოდექსის 398-ე მუხლით გათვალისწინებული გარემოებების არსებობისას..

4. ხელშეკრულების ობიექტი

- 4.1 ხელშეკრულების ობიექტია:
 - 4.1.1 საყრდენ ბაზებზე შესული ჰოსპიტალურ და ამბულატორიულ მკურნალობაზე მყოფი ყველა პაციენტის, რომელთაც ამ დაწესებულებებში განესაზღვრათ წინასწარი დიაგნოზი: სავარაუდო ინფექციური წარმოშობის დიარეა და/ან სავარაუდო საკვებისმიერი მოშხამვა (ICD-10 კოდით A09, A05.9), კვირაში ორჯერ რეგისტრირება და აღწერილობითი ეპიდკვლევის ჩატარება;
 - 4.1.2 აღწერილობითი ეპიდკვლევის ანალიზის საფუძველზე გამოვლენილი სავარაუდო ეპიდაფეთქების დადასტურება;
 - 4.1.3 ეპიდაფეთქების კვლევის ჩატარება კოჰორტული ან შემთხვევა-კონტროლის მეთოდით;
 - 4.1.4 ეპიდკერის (ეპიდაფეთქების) დროს დაფიქსირებული შემთხვევების/კონტროლების კვლევა ინდივიდუალური კითხვარის მეშვეობით;
 - 4.1.5 ეპიდაფეთქებების დროს მწვავე დიარეული შემთხვევებიდან ფეკალიის საანალიზო ნიმუშის/რექტალური ნაცხის აღება და ტრანსპორტირება ბიოსუსაფრთხოების სრული წესების დაცვით დეკსჯეც-ის შიდა ქართლის განყოფილებაში (LSS) ბაქტერიოლოგიური კვლევისთვის;

- 4.1.6 ეპიდაფეთქების სრული ანალიზის ჩატარება;
- 4.1.7 ეპიდაფეთქების დზეის-ის სისტემაში შეყვანა;
- 4.1.8 ივლისი-აგვისტო-სექტემბრის თვეებში (დღიარული დაავადებების სეზონური მატების პერიოდი) სამკურნალო ცენტრში (შ.პ.ს. „გორმედი“) შემთხვევის განსაზღვრების საფუძველზე შერჩეული პაციენტების საანალიზო ნიმუშების შეტანა დესჯეც-ის შიდა ქართლის განყოფილებაში (LSS);
- 4.1.9 კვლევაში ჩართული შემთხვევების სარეგისტრაციო ჟურნალში აღრიცხვა- რეგისტრირება;
- 4.1.10 დადებითი შემთხვევების ეპიდკვლევა ინდივიდუალური კითხვარის საშუალებით;
- 4.1.11. დადებითი შემთხვევების დზეის-ის სისტემაში შეყვანა;
- 4.1.12 „შემსყიდველისთვის“ გაწეული „მომსახურების“ ყოველკვირეული სტატისტიკური ინფორმაციის წარდგენა საყრდენ ბაზებზე რეგისტრირებული დღიარით მიმდინარე დაავადებათა რაოდენობის შესახებ ასაკობრივი ჯგუფების მიხედვით;
- 4.1.13 სამკურნალო ცენტრში პროექტით გათვალისწინებული ქმედებების მონიტორინგი;
- 4.1.14 შესრულებული სამუშაოს შესახებ ყოველთვიური ანგარიშგება.

5. შესყიდვის ობიექტის გაწვევის ადგილი და პირობები

- 5.1 ხელშეკრულებით განსაზღვრული „მომსახურების“ გაწვევის ადგილია ადმინისტრაციულ-ტერიტორიულ ერთეულში შემავალი მუნიციპალური ერთეულების სამოქმედო ტერიტორია;
- 5.2 „შემსყიდველი“ ითვალისწინებს, რომ „მიმწოდებლისათვის“ სრულადაა ცნობილი დასახული ამოცანები და მათ შესასრულებლად გამოსაყენებელი ნორმატიული დოკუმენტაცია.

6. შესყიდვის ობიექტის მიწოდების პირობები, ადგილი, ფორმა და ვადები

- 6.1 განხორციელებული „მომსახურების“ მიწოდების ადგილი - თბილისი, მ. ასათიანის ქ. 9, სსიპ ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრი.
- 6.2 გაწეული მომსახურების ანგარიშგების მიწოდება განხორციელდება ყოველი მომდევნო თვის 5 რიცხვამდე, თბილისი, მ. ასათიანის ქ. №9, სსიპ ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრი.
- 6.3. „მომსახურების“ გაწვევის ვადაა 2017 წლის 1 მაისიდან 2017 წლის 30 სექტემბრის ჩათვლით.

7. ანგარიშსწორების ფორმა და ვადები

- 7.1 ანგარიშსწორების ფორმა - უნაღდო ანგარიშსწორება.
- 7.2 ანგარიშსწორება განხორციელდება ლარებში.
- 7.3 ანაზღაურება განხორციელდება ხელშეკრულების ფარგლებში განსაზღვრული ერთი თვის ღირებულების მიხედვით.
- 7.4 „მიმწოდებელთან“ საბოლოო ანგარიშსწორება მოხდება შესყიდვის ობიექტის მიწოდებისა, ყოველთვიური მიღება-ჩაბარების აქტის ხელმოწერის, საანგარიშგებო დოკუმენტაციის ინსპექტირების დასრულებიდან 30 კალენდარული დღის ვადაში.
- 7.5 „მიმწოდებელი“ სრულად აგებს პასუხს მის მიერ მიწოდებული ანგარიშგების უტყუარობაზე. „მიმწოდებელი“ ადგილზე ინახავს ანგარიშგებს და პირველად დოკუმენტაციას დადგენილი წესის შესაბამისად. საჭიროების შემთხვევაში გაცნობისათვის პირველივე მოთხოვნისთანავე წარუდგენს „შემსყიდველს“.

8. შესყიდვის ობიექტის მიღება-ჩაბარების წესი

- 8.1 ხელშეკრულებით გათვალისწინებული პირობების სრული შესრულების შემდგომ ან/და გარკვეული ეტაპის დამთავრების შემდგომ მხარეებს შორის ფორმდება მიღება-ჩაბარების აქტი.
- 8.2 შესყიდვის ობიექტის მიღებისა და საბოლოო შემოწმების ადგილია: ქ. თბილისი, მ. ასათიანის ქ. 9, სსიპ - ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრი.
- 8.3 არასწორად ან/და არასრულად წარმოდგენილი ანგარიშსწორების ფორმა უბრუნდება „მიმწოდებელს“ მის საბოლოო შესწორებამდე, ამასთან შედეგებზე იგი პერსონალურად აგებს პასუხს.
- 8.4 მიღება - ჩაბარების აქტის გაფორმებაზე და ინსპექტირების განხორციელებაზე პასუხისმგებლობა ეკისრება „შემსყიდველის“ უფლებამოსილ პირებს: ნოზოკომიური, აღმოცენებადი, წყლით და საკვებით გადაცემადი დაავადებების და პარაზიტოლოგიის სამმართველოს უფროს სპეციალისტს მარინა ლაშქარაშვილს ან/და მოლეკულური ეპიდემიოლოგიის ლაბორატორიის უფროსი სპეციალისტი თეა თევდორაძე, ხოლო მათი არ ყოფნის შემთხვევაში მოვალეობის შესაბამის შესრულებულ პირს.

9. შესყიდვის ობიექტის ხარისხი

9.1 „მიწოდებელი“ იძლევა „მომსახურების“ შესაბამისი ხარისხის სრულ გარანტიას.

9.2 უხარისხო „მომსახურების“ მთლიანად ან ნაწილის გამოსწორება ხდება „მიწოდებელის“ მიერ რაიმე დამატებითი ხარჯების მოთხოვნის გარეშე.

10. მხარეთა უფლება-მოვალეობები

10.1 „შემსყიდველი“ ვალდებულია:

10.1.1 აუნაზღაუროს „მიწოდებელს“ გაწეული „მომსახურების“ ღირებულება.

10.1.2 დაუყოვნებლივ აცნობოს „მიწოდებელს“ მომხდარ ცვლილებათა შესახებ, რომელიც შედის „შემსყიდველის“ კომპეტენციაში და რომელიც შეიძლება ეხებოდეს ხელშეკრულების პირობებს.

10.2 „მიწოდებელი“ ვალდებულია:

10.2.1 მიაწოდოს „შემსყიდველს“ „მომსახურება“, რომელიც სრულად შეესაბამება ხარისხით და ყველა სხვა მონაცემებით „შემსყიდველის“ დაკვეთას.

10.2.2 აცნობოს „შემსყიდველს“ ყველა იმ ცვლილებათა შესახებ, რაც პირდაპირ ან ირიბად ეხება ხელშეკრულებას.

10.2.3 დროულად შეასრულოს ხელშეკრულებით ნაკისრი ყველა ვალდებულებანი.

10.3 „შემსყიდველი“ უფლებამოსილია:

10.3.1 მოითხოვოს „მიწოდებლისაგან“ ხელშეკრულების ყველა პუნქტის უცილობელი შესრულება;

10.3.2 უარი განაცხადოს ხელშეკრულების პირობების შესრულებაზე იმ შემთხვევაში, თუ „მიწოდებელი“ დაარღვევს ხელშეკრულებით ნაკისრ ვალდებულებებს ან მის წინაშე დადგება დაუძლეველი ძალა;

10.3.3 მოითხოვოს „მიწოდებლისაგან“ სათანადო განმარტებანი, დოკუმენტაცია, რომლის არსებობის გარეშე შეუძლებელი იყო „მომსახურების“ გაწევა;

10.3.4 მიმართოს სასამართლოს ან სხვა ორგანოებს იმ შემთხვევაში თუ „მიწოდებელის“ ქმედების გამო იგი დგება ფაქტთან, რომ შეიძლება დაირღვეს სახელმწიფო ინტერესები, მოითხოვოს ზარალის სრული ანაზღაურება;

10.3.5 არ სცნოს „მიწოდებელის“ არცერთი ვალდებულება, რომელიც არაა განსაზღვრული ამ ხელშეკრულებით.

10.4 „მიწოდებელი“ უფლებამოსილია:

10.4.1 მოითხოვოს „შემსყიდველისაგან“ მის მიერ მიწოდებული „მომსახურების“ ღირებულების ანაზღაურება.

10.4.2 განაცხადოს უარი ხელშეკრულების შესრულებაზე ან გაგრძელებაზე იმ შემთხვევაში თუ „შემსყიდველის“ მიერ სახელშეკრულებო პირობების შეუსრულებლობის გამო შეუძლებელი ხდება „მომსახურების“ მიწოდება ან მის წინაშე დადგა დაუძლეველი ძალა.

10.4.3 აწარმოოს მოლაპარაკება „შემსყიდველთან“ სახელშეკრულებო პირობებში კანონით დაშვებული ცვლილებების შეტანისათვის.

10.4.4 მიმართოს სასამართლოს ან სხვა ორგანოებს „შემსყიდველის“ მიერ ხელშეკრულების პირობების დარღვევის გამო.

11. ხელშეკრულების პირობების შეუსრულებლობა (პირგასამტებლო)

11.1 ხელშეკრულებით ნაკისრი ვალდებულების შეუსრულებლობის ან/და არაჯეროვნად შესრულებისათვის „მიწოდებელს“ ეკისრება პირგასამტებლოს გადახდა.

11.2. ხელშეკრულებით ნაკისრი ვალდებულების შეუსრულებლობის შემთხვევაში „მიწოდებელს“ ეკისრება პირგასამტებლოს გადახდა გასაწევი „მომსახურების“ ღირებულების 2%-ის ოდენობით.

11.3. იმ შემთხვევაში, თუ პირგასამტებლოს ჯამური თანხა გადააჭარბებს ხელშეკრულების ღირებულების 3%-ს შემსყიდველს უფლება აქვს ცალმხრივად შეწყვიტოს ხელშეკრულება და მოითხოვოს მიყენებული ზარალის ანაზღაურება.

11.4 საჯარიმო სანქციების გადახდა არ ათავისუფლებს „მიწოდებელს“ ძირითადი ვალდებულებების შესრულებისაგან.

11.5. „შემსყიდველს“ შეუძლია ასევე მთლიანად ან ნაწილობრივ შეწყვიტოს ხელშეკრულება, „მიწოდებლისათვის“ ვალდებულებების შეუსრულებლობის წერილობითი შეტყობინების შემდეგ:

11.5.1. თუ „მიწოდებელს“ ხელშეკრულებით გათვალისწინებულ ან „შემსყიდველის“ მიერ გაგრძელებულ ვადებში არ შეუძლია მიაწოდოს „მომსახურება“;

11.5.2. თუ „მიწოდებელს“ არ შეუძლია შეასრულოს ხელშეკრულებით გათვალისწინებული რომელიმე ვალდებულება, რომელიც ცვლის პირობებს, რის გამოც ვერ განხორციელდება „მომსახურების“ მიწოდება სრულად ან დადგენილ ვადებში;

11.5.3 თუ ხელშეკრულების შესრულების გაგრძელება მიზანშეუწონელია „შემსყიდველის“ ფინანსური ინტერესებიდან გამომდინარე.

11.5.4. თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

11.5.5. „მიწოდებლის“ გაკოტრების შემთხვევაში.

11.6. ხელშეკრულების ცალკეული პირობების მოქმედების შეწყვეტა არ ათავისუფლებს „მიწოდებელს“ დანარჩენი ვალდებულებების შესრულებისაგან.

11.7. „მიწოდებელი“ იღებს ვალდებულებას უზრუნველყოს პირგასამტებლოს თანხის გადახდა წერილობითი შეტყობინების მიღებიდან 10 (ათი) დღის განმავლობაში.

12. ხელშეკრულების შესრულების კონტროლი

- 12.1. „მიმწოდებლის“ მიერ ნაკისრი ვალდებულებების შესრულებაზე და შესაბამისად „მომსახურების“ მიზნობრივად გატარების შესახებ „შემსყიდველი“ უფლებამოსილია:
- 12.1.1. უშუალოდ განახორციელოს ხელშეკრულების შესრულების კონტროლი, რომელიც შეეხება ყოველთვიური „მომსახურების“ პერიოდს (ან „მომსახურების“ დასრულებულ ციკლს).
- 12.1.2. არ აანაზღაუროს ხელშეკრულების შესრულების კონტროლის შედეგად არაკორექტულად მიჩნეული გაწეული „მომსახურების“ ხარჯები მოქმედი კანონმდებლობის ფარგლებში.
- 12.1.3. განახორციელოს წარმოდგენილი დოკუმენტაციის შედარება „მიმწოდებლის“ მიერ შეტყობინებისას დაფიქსირებულ მონაცემებთან და შემთხვევების შერჩევითი შემოწმების შედეგებთან (ასეთის არსებობის შემთხვევაში).
- 12.2. ხელშეკრულებით გათვალისწინებული საანგარიშგებო დოკუმენტების ინსპექტირების ვადა საანგარიშგებო დოკუმენტაციის წარდგენიდან არაუმეტეს 30 კალენდარული დღისა.

13. ხელშეკრულების სხვა პირობები

- 13.1. ხელშეკრულებაში ცვლილებების შეტანა ხდება მხოლოდ მხარეების მიერ: წერილობითი შეთანხმებით და ფორმდება ხელშეკრულების დანამატის სახით, რომელიც წარმოადგენს ხელშეკრულების განუყოფელ ნაწილს.
- 13.2. „მიმწოდებელს“ არ აქვს უფლება „შემსყიდველის“ წერილობითი თანხმობის გარეშე მოახდინოს მესამე პირისათვის უფლებების გადაცემა.
- 13.3. ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები, გარდა „სახელმწიფო შესყიდვების შესახებ“ საქართველოს კანონის, საქართველოს სამოქალაქო კოდექსით და კანონქვემდებარე აქტებით განსაზღვრული შემთხვევებისა.
- 13.4. ხელშეკრულების შესრულების შეფერხების შემთხვევაში მხარეები დაუყოვნებლივ წერილობით ატყობინებენ ერთმანეთს და ღებულობენ ერთობლივ გადაწყვეტილებას.

14. სადაო საკითხების გადაწყვეტა

- 14.1. „შემსყიდველმა“ და „მიმწოდებელმა“ უნდა იხმაროს ყველა ღონე, რათა მათ შორის, ყველა უთანხმოება და დავა, წარმოქმნილი ხელშეკრულების ან მასთან დაკავშირებული სხვა კომპონენტის ირგვლივ, მოაგვარონ მოლაპარაკების წესით.
- 14.2. თუ „შემსყიდველი“ და „მიმწოდებელი“ ვერ შეძლებენ სადაო საკითხის მოგვარებას მოლაპარაკების გამართვის შემდეგ, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს სასამართლოს, რის შესახებაც იგი წინასწარ აცნობებს მეორე მხარეს.

15. გამოსაყენებელი სამართალი

- 15.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

16. ხელშეკრულების ენა

- 16.1. ხელშეკრულების ენა ქართული. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის უნდა შეესაბამებოდეს სახელშეკრულებო პირობებს.

17. ურთიერთობა მხარეებს შორის

- 17.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელექტრონული ფოსტის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.
- 17.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

18. ხელშეკრულების მოქმედების ვადა

- 18.1 ხელშეკრულება შედის ძალაში მხარეთა მიერ ხელშეკრულებაზე ხელის მოწერის თარიღიდან.
- 18.2. ხელშეკრულების მოქმედების ვადა განისაზღვრება 2017 წლის 1 მაისიდან 2017 წლის 31 დეკემბრის ჩათვლით.
- 18.3. ურთიერთობა მხარეებს შორის წყდება ხელშეკრულების ვადის გასვლით და მხარეების მიერ ყველა ვალდებულებათა შესრულებისა და დებიტორულ-კრედიტორულ დავალიანებათა დაფარვის შემდგომ.

19. დამატებითი პირობები

19.1 ხელშეკრულება დგება სამ თანაბარძალოვან ეგზემპლიარად, საიდანაც ერთი ეგზემპლიარი გადაეცემა „მიმწოდებელს“, ხოლო ორი ეგზემპლარი ინახება „შემსყიდველთან“.

19.2 ხელშეკრულების მონაწილე მხარეებზე ვრცელდება აგრეთვე დადგენილებით გათვალისწინებული პირობები.

20. მხარეთა რეკვიზიტები

„შემსყიდველი“

სსიპ „ლ. საყვარელიძე სსახ. დაავადებათა კონტროლისა და საზოგადოებრივი ჯანმრთელობის ეროვნული ცენტრი“


მისამართი: თბილისი, მ.ასათიანის ქ. #9
საიდენტიფიკაციო კოდი 211324351

საბანკო რეკვიზიტები:
თბილისი, სახელმწიფო ხაზინა
კოდი TRESGE22

ანგარიშის # GE24NB03301100200165022

გენერალური დირექტორის

მოადგილე:


პაატა იმნაძე



„მიმწოდებელი“

ა(ა)იპ „გორის მუნიციპალიტეტის მერიის საზოგადოებრივი ჯანდაცვის ცენტრი“

მისამართი: ქ. გორი, სტალინის ქ. #2
საიდენტიფიკაციო კოდი 218081590

საბანკო რეკვიზიტები:
სახელმწიფო ხაზინა
კოდი TRESGE22

ანგარიშის #740867499

დირექტორი:


მარინე გვინაშვილი

